

1304 març 15. Calataiud

*PROVISIÓ atorgada pel rei Jaume II el Just, on prohibeix als ciutadans de Girona cultivar cànem i lli a l'arenys del riu Onyar.*

- A. AHCG. Pergamí núm. 97.
- B. AHCG. *Llibre Vermell*, f. 2r-v.

**Provisió<sup>1</sup> ab la qual lo rey en Jacme mena e ordona que algun no gosàs enaygar cànem ne lin en lo riu de Onyar.**

Nos<sup>2</sup> Iacobus, Dei gracia rex Aragonum, Valencie et Murcie ac comes Barchinone, nostre regali providencie convenire pensantes ut regie cure ac solitudini commissos populos nedum a ferro paratis cedibus ac stragibus instantibus deffensemus, verum eciam ad salubritatem civitatum et tutelam nostram dirigamus intuitum et more medicantis salutis subditorum curam agamus, cumque inter cetera meditemur saluti hominum ac salubritati civitatum illa fore nociva que ex corrupto aere pestilenta gignuntur, idcirco intuentes qualiter in rivo Undaris, discurrenti iuxta civitatem Gerunde, ut crebro relatu percepimus plurimorum, quidam, tam cives quam non cives civitatis ipsius, rerum temporalium lucra saluti proprie et aliorum ibi habitantium preponentes, canapum et linum in ipso rivo restagnacionibus seu bassiis manufactis ad adaquandum immittunt, sicque, et naturaliter evenit, pestici fetores inde proveniunt, qui sanitati hominum nocituri sanos inficiunt et infirmitates inducunt. Quare, nolentes de cetero talia attentari, cum hominum salus ac civitatum salubritas rebus ceteris preferantur, ordinamus, percipimus et mandamus universis et singulis civibus et habitatoribus dicte civitatis, ne quis eorum vel alius imposterum audeat vel presumat in dictum rivum canapum vel linum ad adaquandum<sup>3</sup> immittere in aliqua ipsius rivi parte, ex qua cives et habitatores ipsius civitatis vel spaciantes in arenis civitatis ipsius fetores sentiant eorundem. Mandantes per presentes baiulo Gerunde, presenti et qui pro tempore fuerit, ne contra hanc nostram /2v/ presentem ordinationem quemquam venire permittat, immo pena decenti, prout ei visum fuerit, puniat transgressores, et nichilominus<sup>4</sup> canapum et lignum temerarie per quoscumque de cetero inibi ad adaquandum immissa removeri faciat, cuiusquam contradiccione minime obsistente.

Datum apud Calataiubium, idus marcii, anno Domini M<sup>o</sup> CCC<sup>o</sup> tercio.

A., subscripsit.

1. Iacobus primus rex *escrit al marge superior*. 2. Est III *escrit al marge esquerre*. 3. *adquandum per adaquandum*. 4. *nichlominus per nichilominus*.